

2

利濟學堂報

中國近代
中醫藥
期刊彙編

第一輯

上海辭書出版社

2

二〇〇〇年

中國近代

中醫藥

期刊彙編

中國近代
中醫藥
期刊彙編

第一輯

2

利濟學堂報

上海辭書出版社



南京中医药大学图书馆版权所有

目 錄

利濟學堂報	第八冊		1
利濟學堂報	第九冊		91
利濟學堂報	第十冊		181
利濟學堂報	第十一冊		271
利濟學堂報	第十二冊		369
利濟學堂報	第十三冊		467
利濟學堂報	第十四冊		561

光緒二十三年丁酉 第八冊

利濟學堂報

委和紀 立夏

利濟醫院開講
之十三年

全年二十四冊

館在浙江溫
州府前大街

定價大銀圓四元

先行付資
不准拆賣

利濟學堂報丁酉第八冊目錄

文錄

蟄廬彫錄序

東甌陳 虬撰

書治平通議弛女足章後

瑞安池志徵撰
院次道

論今日中國首以簡使材爲急

瑞安程 雲撰
院次濟

院錄

利濟講義

書錄

利濟元經 算緯前編 衛生經 醫歷答問 教經答問

報錄

時事鑑要 煙酒加捐 三水開埠 火車發軔 加稅待議 潤州開

礦 儲材待用 甌郡郵章 湖南通電 榷政撮要 興利枉禡

奏事儀注 改館儲材 武備開堂 擬築滿西鐵路

洋務掇聞 鐵路利溥 惟鐵爲寶 洋稅總結 購艦述聞 中俄鐵

路行程 東國經緯考 招兵善法 德人開埠 抽捐新例 西藏

目錄

鐵路 英軍受挫 日本鐵路

藝事碑乘 西人造紙 蘭油正旺 水中起物 水底行舟 銅鋼利

器 敗絮製絨 飛船異製 飭辦新機

商務叢談 中俄茶葉 航海者言 臺灣米價 各國銅數 蘇彝士

河船數 美日殷富 油廠新開 北地通輪 滬錢轉機 杭關功

竣 報紙暢銷 比國商務

利濟外乘 臺境瘟疫 治疫奇醫 西醫妙技

近政備考 工部 孫議覆開辦京師大學堂摺

經世文傳 陝撫 魏奏請疏濬陝省水利疏

見聞近錄 各國奇珍 修短不齊 巨船類誌 陽光各別 嗜好成

癖 臺南油穴 俄皇將遊歷中國 英皇幼時逸事 遊歷南極

體具陰陽 育魚異聞 澎湖新例 美傳孔教 鵲巢鳩占 大厦

干霄

告白

蟄廬疹錄序

記曰醫不三世不服其藥左氏傳云三折肱成良醫醫雖小道顧可以無恆哉周秦以後醫無世業一人大醫如華陀張機皇甫謐褚澄徐文伯孫思邈之倫代有其人竝皆高世妙材有託而逃相與修明絕業不憚降心爲之斯道猶有賴也近俗日靡浮淺庸奴學無師承畧視方書十數部輒率爾懸壺侍長柄油黑傘步行烈日中望門投入暱婦嫗若家人鹽汗交流被兩頰吮筆叉手書方如扶乩倉卒以十數暮歸計囊金較日常多聚妻孥大歡笑環問日來從誰某某何病病何治則蒙然張口漫不記憶其遇之通者則借名流揭醫招故自高聲價設拔號坐飛轎奚奴前道悍然自命爲名醫叩以寒熱攻補標本佐使之旨囑圖恃兩端聲嚶嚶蓄鼻間處方欠呻登轎逐逐去矣甚矣

序

其倫也虬自庚午患病始有志於醫甲戌始排日自課習之數年矣丙子始敢出議方藥每臨一證究其陰陽向背虛實來去之至數倖而得之則私自詫以爲未知於古奚若然勢不多醫也嘗謂人有必無可醫之病醫有必不能醫之時故設例自限年來求診漸夥頗乖吾旨恐終不免爲庸醫之歸因錄其曾經有效者以自勘子夏曰日無忘其所知月無忘其所能辭以未遑而不得吾與病者兩無恨也盡吾心焉而已已能而或失其故知則醫之罪無可逭矣因錄此卷備溫故知新之助不足云案也時光緒六年歲次庚辰春王月陳虬志三書於瑞安城東虞池之衍澤堂

書治平通議弛女足章後

瑞安沈志澂撰

院次道

一陽一陰天之道也順之則和逆之則戾痛矣夫我華生人四萬萬餘而忍棄二萬萬人於無用之地也且不惟棄之而已又從而殘之賊之彫之琢之矯而揉之嗚呼裹足之禍大矣彼蒼者天何震旦女子之不幸歟吾謂自唐以後千餘年衰弱之運禍亂之接踵中國之受侮於夷狄未始不由於此何者手足屈伸天鬻其身健順合撰孰斲而形夫女所以輔男之不足而相與全其生者也奇無偶不成剛無柔不濟陽無陰不交一也然乃無知而戮無罪而梏抑無病而死死之不以藥以食以刀以鋸以水以火而死以愛死以寵死以供觀玩嗚呼彼女子殆終其身轉移遷就於死之途而無望生之一日矣妖霧蠻煙匝地四連慘無日天誰實使然況彼猶死其身而我直死其心父悲其子夫憐其妻人之恆性也一飲食之不宜一起居之不適猶不禁其戚然憫然若莫能自己

然而況於殘其肢體潰其血肉永爲天地廢人而絕不加惜焉且因而幸之若懼其不甚焉者則其心先死也夫一人之身與天俱適悲歡禍福各以類至是故生則爲祥殺則爲殃乾坤之理五行之常夫固氣數所莫能外而亦帝王所不能爭也奈之何襁褓甫離遽形殺機哀我赤子呱呱而啼夫羣二萬萬人有覺知有情性有生之體而暫不能釋此愁怨之態毒楚之情顛連疾痛之狀而欲以致太平登仁壽何可得也況以父死其子夫死其妻之心傷教害義曹不知非狐貉成羣豺狼遍地而欲以召休祥釀和氣又何可得也遏其生長之機而激其怨毒之氣戕其自然之性而敗其刻忍之心異矣哉易曰履霜堅冰至蓋言順也悲夫逆亂之堵成於骨肉陰慘之象溢於太虛不已而爲奸爲妬爲悍爲妖爲孽豈真過也而去之耶乃留而爲災爲害爲疫爲疾爲凶饑爲旱潦爲干戈爲敵國何者含和吐氣爲休徵所自生愆陽伏陰感人心

而致疹吾謂女足不弛中國必不强人才必不盛白種必不可勝
昇平必不可至此天道之至常也一人向隅舉座不歡匹夫不澤
堯舜之病夫亦可靜思其故矣不然疲癯殘疾王者猶有餘恩桎
梏囹圄仁人見而動色夫彼固戮於天也定於讞也然且有淒然
大不能忍於斯者蓋以伸宇內冤抑之氣而欲轉殺運爲生機也
而況天方生之我必殺之流毒海內謬種相傳其理顯於牛喘其
害甚於洪水龍蛇甯非言燮理者所隱爲動心歟夫當秋冬之間
晦霾之夕陰雲漫天星月韜色鬼魅橫野路無行人大風忽起山
谷震動滌盪瑕穢繼以時雨渙然藹然復見太和雨露風止白日
當中空宿垢而一掃之夫誠造化之爲工哉弛足之盛直同於此
螫廬先生書成之三年東方不利弛女足在救時要議強策中章
僅百餘言其警句云承平之日
已漸過其生機小註中國生人之弱未必不由母
氣過弱所致離亂之秋無異坑之生地語尤切摯士大夫痛中華
之弱講求救世之務學堂公會次第舉行於是有不纏足之名蓋

卷一

亦當世憂時君子所爲發憤而設也纏足之累言者甚詳予不復
言因就先生言爲推闡其義存之

論今日中國首以簡使才爲急

瑞安程

雲撰

院次濟
二十三

嗚呼一千五百兆民人之生之慘也一球也洲以六而裂矣一種也色以五而別矣愚爲智俚弱爲強肉亂爲治驅拙爲巧奴夫孰不恤其生不愛其類不寶其手足腑肺而甘以殺自娛以兵自毒以術知機械自賊痛矣夫環瀛莽莽白人執利刃而麾之藉以獲黑芟紅鋤機駁駁乎及我黃族我懾其利也狡也踵其尾而趨之以喘以跌以勞乏勸敝而私幸暫不我噬也哀哉圓顱方趾甯非血氣之倫人憫天悲忍覩淪胥之狀我竊爲有生者恫焉夫欲奠大地人類萬世之業必以弭兵爲首策欲求今日中國一日之安尤以保大平爲上謀保之之術厥賴使才擇使之道其用有五機警之士權事制宜使才優矣而未必有學也通博之徒掌故能言使學粹矣而未必有識也呼吸安危權衡輕重當機立斷使識具矣然猶未備也顧我謂必當有使德以貞之有使膽以厲之是故

卷一

義勇激發甘授命以不辭大人巍然或視之而亦藐蘇張之善變
陸賈之有口才也學也富弼之能爭識也申包胥之不辱蘇武洪
皓之不屈德也曹沫藺相如毛遂唐睢之敢於刼盟膽也夫以中
國之大四百兆之眾踐土食毛高厚同感而獨無二三有才有學
有識有德有膽之士奮其身爲國家用斯必不然矣且古無獨立
之國嬴秦以止大行人之職代有專官而素王倡道尤重言語亂
齊霸越以子貢之賢而爲之蓋已開縱橫家之先聲以故子羽飾
鄭四國賴其周知宋曄遊秦亞聖歎爲志大專對之選夫豈忽諸
二千餘年界絕不通之族風會大開叩關而西至者數萬里今日
之使視昔尤極然而同文館之設於今蓋三十年亦汲汲以邦交
爲慮矣甲午之釁創痛益鉅議者亦咸知無人才之足患矣各學
堂次第興辦京師行省遞有推廣亦可謂勇於自強矣而乃瓜分
之約期我五年禍患橫生猝不容待嗚呼欲儲有用之才於數十

年之後而不能弭無形之變於一昕夕之間厝火積薪之下主人
鼯臥其上爲之奴者不急呼使覺奔走數十里外挹瓶水以拯之
庸有濟乎蒙謂宜及今之急廣徵海內通知各國語言文字政教
風俗而又能出萬死不顧一生之計赴公家之難者厚其祿秩隆
以譽汰拔之不以資格使之延說美英俄法德日諸雄主爲百年
弭兵保太平之約其方命而辱國者科以劇罪夫重賞之下必有
勇夫千金之市甯惟駿骨未可謂支那必無人也況使之爲才尤
古難而今易數言未決刃交於臂昔蓋有甘之如飴者矣今者公
法約章重於四鄰溫語雍容歡如賓主爲使亦榮矣哉設朝廷得
蘇張輩數人大局必立有起色夫其言易盡也其情易達也其是
非得失易以爭也然且畏而不敢爲者誰之罪也必能忘一身之
禍福而後能決一國之安危必能捐一人之髮膚而後能壽四萬
萬人之軀命西人雖堅韌視死甚重

觀明治初日
法之盟可知

我苟動之以利